

Vegagerðin  
Helga Aðalgeirsdóttir  
Miðhúsavegi 1  
600 Akureyri

**2007050102**  
7300; 9310

Reykjavík, 13. desember 2007  
/--

**Efni: Norðfjarðarvegur um Norðfjarðargöng, milli Eskifjarðar og Norðfjarðar, Fjarðabyggð. Ákvörðun um matsáætlun.**

Í samræmi við 8. gr. laga nr. 106/2000 m.s.b. um mat á umhverfisáhrifum er hér kynnt niðurstaða Skipulagsstofnunar um tillögu Vegagerðarinnar að matsáætlun um Norðfjarðarveg um Norðfjarðargöng, milli Eskifjarðar og Norðfjarðar.

Skipulagsstofnun barst með bréfi Vegagerðarinnar dags. 30. október 2007 tillaga að matsáætlun:

**Vegagerðin. Norðfjarðarvegur um Norðfjarðargöng, milli Eskifjarðar og Norðfjarðar. 30. október 2007.**

Skipulagsstofnun leitaði umsagnar um tillögu framkvæmdaraðila hjá eftirtöldum aðilum í samræmi við 8. gr. laga um mat á umhverfisáhrifum: Fjarðabyggð, Byggðastofnun, Fornleifavernd ríkisins, Heilbrigðiseftirliti Austurlands, veiðimálastjórn Landbúnaðarstofnunar, Umhverfisstofnun og Veðurstofunni. Skipulagsstofnun kynnti tillöguna einnig með fréttatilkynningu og á heimasíðu stofnunarinnar.

Skipulagsstofnun bærust umsagnir og athugasemdir frá eftirtöldum aðilum: Fjarðabyggð með bréfi dags. 20. nóvember 2007, Byggðastofnun með bréfi dags. 19. nóvember 2007, Fornleifavernd ríkisins með bréfi dags. 20. nóvember 2007, Heilbrigðiseftirliti Austurlands með tölvupósti 1. desember 2007, veiðimálastjórn Landbúnaðarstofnunar með bréfi dags. 16. nóvember 2007, Umhverfisstofnun með bréfi dags. 3. desember 2007 og Veðurstofunni með bréfi dags. 19. nóvember 2007. Skipulagsstofnun bærust einnig frekari upplýsingar frá framkvæmdaraðila í kjölfar umsagna með bréfum dags. 3. desember 2007.

## **NIÐURSTAÐA SKIPULAGSSTOFNUNAR**

Í samræmi við 8. gr. laga um mat á umhverfisáhrifum hefur Skipulagsstofnun farið yfir framlagða tillögu Vegagerðarinnar að matsáætlun ásamt þeim umsögnum sem borist hafa stofnuninni. Í umsögnum Byggðastofnunar, Fornleifaverndar ríkisins, Landbúnaðarstofnunar og Heilbrigðiseftirlits Austurlands og Veðurstofu Íslands eru ekki gerðar athugasemdir við efni tillögu að matsáætlun.

Skipulagsstofnun fellst á tillögu framkvæmdaraðila að matsáætlun með þeim viðbótum sem koma fram í bréfum Vegagerðarinnar dags. 3. desember 2007 og með eftirfarandi athugasemdum.

### **Framkvæmd og starfsemi**

Í kafla 1.7.6 í tillögu að matsáætlun er fjallað um haugsetningu. Skipulagsstofnun telur að í frummatsskýrslu þurfi að koma fram hvort haugsetning efnis úr göngunum sé til langs eða skamms tíma og þar þurfi að gera grein fyrir staðsetningu haugsetningasvæða, magni og hugsanlegri frekari vinnslu efnisins.

### **Skipulag og leyfi**

Í kafla 2.2 í tillögu að matsáætlun er fjallað um samræmi framkvæmdar við skipulag á svæðinu. Fram kemur að samhliða mati á umhverfisáhrifum framkvæmdarinnar sé unnið að umhverfismati vegna gerðar nýs aðalskipulags fyrir Fjarðabyggð. Í aðdraganda tillögu að matsáætlun lagði Skipulagsstofnun áherslu á að frummatsskýrsla yrði auglýst samhliða aðalskipulagstillögu og skv. því sem fram kemur í kafla 5.1 í tillögu að matsáætlun virtist það geta gengið eftir. Umhverfisstofnun telur í umsögn sinni að mikilvægt sé að nýtt aðalskipulag og umhverfismat þess liggi fyrir áður en frummatsskýrsla verði kynnt og auglýst. Í svörum framkvæmdaraðila við umsögn Umhverfisstofnunar kemur fram að eins og staðan sé núna verði frummatsskýrsla væntanlega tilbúin áður en samþykkt aðalskipulag Fjarðabyggðar liggur fyrir. Aðalskipulagið sé í vinnslu en ekki útséð með hvort tímaáætlun um endanlega afgreiðslu og gildistöku aðalskipulagsins standist nákvæmlega. Skipulagsstofnun ítrekar fyrri tilmæli sín um samhliða auglýsingu aðalskipulagstillögu og kynningu frummatsskýrslu, en gangi það ekki eftir þá leggur stofnunin áherslu á að framkvæmdaraðili og sveitarstjórn Fjarðabyggðar hafi samráð. Með því má fá fram betri samnýtingu gagna og upplýsinga og komast hjá tvíverknaði við matsvinnu. Þá bendir Skipulagsstofnun framkvæmdaraðila og Fjarðabyggð á að hlutar framkvæmdarinnar kunna einnig að vera deiliskipulagsskyldir, t.d. gangnamunnar og hugsanleg landmótun kringum þá. Því þarf að koma fram í frummatsskýrslu hvort og þá hvaða hlutar framkvæmdarinnar sveitarfélagið telur að kalli á gerð deiliskipulags og hver staða þess er þegar frummatsskýrsla verður kynnt.

### **Umfang og áherslur mats á umhverfisáhrifum**

Í kafla 4.1.1 í tillögu að matsáætlun er fjallað um samfélag og landnotkun. Fram kemur í tillögunni að í frummatsskýrslu verði m.a. fjallað um nýtingu á framkvæmdasvæðinu og nágrenni þess til útivistar. Í umsögn Umhverfisstofnunar er ítrekað vægi Fannardals m.t.t. útivistar. Skipulagsstofnun telur mikilvægt að í umfjöllun um áhrif framkvæmda á útivist í frummatsskýrslu verði áhrifin sérstaklega skoðuð út frá hagsmunum ólíkra útivistarhópa.

Í kafla 4.1.11 í tillögu að matsáætlun er fjallað um vatnsverndarsvæðin. Bæjaryfirvöld

Fjarðabyggðar ítreka í umsögn þær athugasemdir sem þau hafa komið á framfæri um mikilvægi vatnsverndar - og vatnstökusvæðanna á Eskifirði og við Tandрастаði í Norðfirði. Skipulagsstofnun tekur undir athugasemdir Fjarðabyggðar og ítrekar að vel verði staðið að athugunum tengdum umræddum vatnsverndarsvæðum. Mikilvægt er að í frummatsskýrslu verði á skýran hátt gerð grein fyrir þeim athugunum og mati á hugsanlegum áhrifum framkvæmdarinnar á vatnsverndarsvæðin. Við matið verði sérstaklega tekið tillit til þess að aðgangur að góðum vatnsbólum á þessu svæði er oft erfiður og því gegna varavatnsból mikilvægu hlutverki.

Þóroddur F. Þóroddsson

Rut Kristinsdóttir

Fylgiskjöl: Afrit umsagna.

Afrit: Umhverfisráðuneyti, Fjarðabyggð, Byggðastofnun, Fornleifavernd ríkisins, Heilbrigðiseftirlit Austurlands, veiðimálastjórn Landbúnaðarstofnunar, Umhverfisstofnun og Veðurstofan.